



Headlines

- प्रधानमंत्री नरेन्द्र मोदी अज्ज दिनै 11 बजे अपने रेडियो कार्यक्रम 'मन की बात' दे राहें देश-बदेश दे लोकें कन्नै अपने बचार सांझे करडन।
- लेफ्टिनेंट गवर्नर मनोज सिन्हा होरें कल लोक भवन च उत्तर प्रदेश दे स्थापना दिवस आहले समारोह च हिस्सा लेंदें होई उत्तर प्रदेश गी भारत दा केन्द्र ते वेदें दी जन्मभूमि करार दिता।
- मुखमंत्री उमर अब्दुल्ला होरें बजट शा पैहले आहले सलाह-सूत्र लेई दक्खनी ते उत्तरी कश्मीर दे विधायकें कन्नै बैठकां लाइयां।
- गणतंत्र दिवस कोला पैहले पूरा जम्मू तिरंगे दे रंगें च रंगोई गेदा ऐ। लेफ्टिनेंट गवर्नर मनोज सिन्हा कल एम.ए. स्टेडियम च गणतंत्र दिवस दे मुख समारोह च शामिल होडन।
- ते आकाशवाणी दे समाचार सेवा प्रभाग गी अज्ज नमीं दिल्ली च सबनें शा बेहतरीन मतदाता जागरूकता अभियान अवार्ड कन्नै सम्मानत कीता जाहग।



PM Mann ki Baat

प्रधानमंत्री नरेन्द्र मोदी होर अज्ज बड्डलै 11 बजे आकाशवाणी पर अपने "मन की बात" कार्यक्रम राए देश-विदेश दे लोकें कन्नै अपने विचार सांझे करगंन। हर महीने दे खीरी ऐतवार गी प्रसारत होने आहले इस कार्यक्रम दी एह 130मीं किशत होग। कार्यक्रम दा प्रसारण आकाशवाणी ते दूरदर्शन दे समूलचे नेटवर्क- ए.आई.आर. न्यूज वेबसाईट ते न्यूज ऑन ए.आई.आर mobile app- डी.डी न्यूज- प्रधानमंत्री हुंदे दफ्तर ते सूचना ते प्रसारण मंत्रालय दे यू-ट्यूब चैनलें पर बी होग। हिंदी प्रसारण दे बाद एहदा डोगरी भाशा च अनुवाद प्रसारित कीता जाहग। तोआई, आकाशवाणी जम्ू दे प्रादेशिक समाचार एकांश आसेआ अज्ज दपैहरी ढाई बजे "मन की बात" पर इक बशेश कार्यक्रम दा प्रसारण कीता जाहग जेहदे च स्हाड़ी परौहिनियां होडन जम्मू युनिवर्सिटी थमां प्रोफेसर गरिमा गुप्ता ते इन्दे कन्नै गल्ल करडन साढ़े एंकर विजय बजाज।



LG-UP Day

उपराज्यपाल मनोज सिन्हा होरें आखेआ ऐ जे उत्तर प्रदेश भारत दे मुख् केंद्र बिंदु दी नुमाइंदगी करदा ऐ ते एह इलाका मुख् गी उत्तर थमां दक्खन ते पूर्व शा पच्छम तगर सभनें दिशाएं च जोड़दा ऐ। मनोज सिन्हा होर जंदे रोज लोआए गेदे उत्तर प्रदेश स्थापना दिवस च बोला'रदे हे। उपराज्यपाल होरें उत्तर प्रदेश गी भारत दा केंद्र ते वेदें उपनिषदें, रामायन, महाभारत ते पुराणें दी जन्मभूमि दस्सेआ। उत्तर प्रदेश गी पवित्तर दरयाएं दे मिलन आहली थाहर गलांदे होई उनें इस धरती गी आध्यात्म दा केंद्र करार दिता ते आखेआ जे एहदा ज्ञान आत्म साक्षात्कार लेई प्रेरित करदा ऐ। इस मौके पर बोलदे होई मनोज सिन्हा होरें आखेआ

<><><><><><>

CM Pre Budget

मुख्मंत्री उमर अब्दुल्ला होरें शनिवारें सिविल सचिवालय श्रीनगर च दक्खनी ते उत्तरी कश्मीर जिलें दे विधायकें कन्नें बजट शा पैहले चर्चा कीती। विधायकें अपने विधानसभा हलकें च ढांचागत विकास ते नागरिकें पर केंद्रित कल्याणकारी पैहलकदमिं पर जोर पांदे होई बक्ख-बक्ख प्रस्ताव पेश कीते। उनें 2026-27 दे बजट च सेहत, शिक्षा, राई-बाई, बुनियादी ढांचे, युवा कार्जक्रमें ते रोजगार पैदा करने आस्तें आवंटन बधाने दी बी गुजारश कीती। इस मौके पर मुख्मंत्री होरें इस गल्लै दा भरोसा दोआया जे सभनें सुझाएं पर उचित तरीके कन्नें गौर कीता जाहग। मुख्मंत्री होरें समूलचे जम्मू-कश्मीर च संतुलित, समावेशी ते इलाकाई सतह पर बरोबरी आहले विकास लेई सरकार दी बचनबद्धता गी फही पक्का कीता।

<><><><><><>

Advisor Rank

उपराज्यपाल मनोज सिन्हा होरें शनिवारें मुख्मंत्री हुंदे सलाहकार नासिर असलम वानी होरें गी आधिकारिक तौरा पर कैबिनेट मंत्री दे दर्ज दे कन्नोकन्नी विशेषाधिकार दी मंजूरी देई दिती ऐ। इक औपचारिक आदेश च आखेआ गेआ ऐ जे नासिर असलम वानी होरें गी 80 जहार रपे दी म्हीना इकमुश्त तनखाह दे कन्नोकन्नी बिना कुसै किराए आहली जम्मू ते श्रीनगर च रिहायश दे अलावा ट्रांसपोर्ट दी सहूलत बी हासल होग। ध्यानजोग ऐ जे नासिर असलम वानी नेशनल कांफ्रेंस दे सीनियर लीडर ते मुख्मंत्री उमर अब्दुल्ला हुंदे नेड़में सहयोगी न।

<><><><><><>

R Day Arrangements

77में गणतंत्र दिवस समारोह गी बवस्थित ढंगगै'नै करोआने लेई जम्मू च सब्बे बंदोबस्त करी लैते गेदे न। इ'नें दिनें पूरा शैह तिरंगे दे रंग च रंगोए दा ऐ ते मशहूर सरकारी इमारतें ते सार्वजनिक थाहें जि'आं तवी रीवर फ्रंट गी शैल स्नाहकड़े ढंगगै'नै सजाया गेदा ऐ।

इस राश्ट्री ध्याड़े गी बवस्थित ते रमानदारी आहले ढंगै सिर करोआने लेई सुरक्षा दे बी सुद्दे प्रबंध कीते गेदे न। गणतंत्र दिवस दा मुख समारोह जम्मू दे मौलाना आजाद स्टैंडयम च होग जित्थे लेफ्टिनेंट गवर्नर मनोज सिन्हा होर तिरंगा फैंहाडन ते परेड दी सलामी लैडन। मुखमंत्री उमर अब्दुल्ला, बतौर मुख परोहने इस कार्यक्रम च शामिल होडन। सबने सरकारी मलाज़में ते सार्वजनिक उपक्रमें दे कर्मचारिं गी बी आखेआ गेदा ऐ जे ओह अपनी ड्यूटी दे तौर उप्पर गणतंत्र दिवस आहले समारोह च शामिल होना जकीनी बनान।

<><><><><><>

EC-Voter Day

निर्वाचन आयोग अज्ज नमी दिल्ली च 16मां राश्ट्री मतदाता दिवस मनाग। राश्ट्रपति द्रौपदी मुर्मू मुख परोहने दे तौर पर समारोह दी अध्यक्षता करडन। इस बरे राश्ट्री मतदाता दिवस दा विशे ऐ मेरा भारत, मेरा वोट, जेदा नारा ऐ 'भारती लोकतंत्र दे केंद्र च नागरिक। समारोह दरान राश्ट्रपति होर नमें पंजीकृत युव मतदाताएं गी पंदान पत्र भेंट करडन। तोआई, मतदाता दिवस दे महत्व पर अपने बचार सांझे करदे होई स्टेट इलेक्शन डिपार्टमेंट दिएं विशेष सचिव डॉ. निरूपा राय होरें आखेआ

एहदे कन्ने गै ओह नमिं तकनीकें दे असरदार इस्तेमाल, चुनांड प्रबंधन ते मतदाता जागरूकता लेई बक्ख-बक्ख श्रेणियें च सर्वश्रेष्ठ निवारचन प्रथाएं दे पुरस्कार बी प्रदान करडन।

<><><><><><>

Akashvani-Award

आकाशवाणी दे समाचार सेवा प्रभाग गी बरे 2025 दे मतदाता जागरूकता अभियान च बेहतरीन कारकरदगी आस्ते इलैक्ट्रानिक मीडिया श्रेणी च पुरस्कार कन्ने सम्मानित कीता जाहग। राश्ट्रपति द्रौपदी मुर्मू होर एह पुरस्कार अज्ज नमी दिल्ली च राश्ट्री मतदाता दिवस समारोह दे मौके पर प्रदान करडन। पुरस्कार चुनावी भागीदारी गी बढ़ावा देने ते सुलभ चुनाएं बारै जागरूकता फैलाने च आकाशवाणी दे योगदान गी मान्यता दिंदा ऐ।

<><><><><><>

Vande Matram

जम्मू दे जिला प्रशासन ने राश्ट्री गीत वंदे मातरम् दे 150एं बरें दे सरबंधें च मनाए जा'रदे जश्न आहले कार्यक्रमें दा कल दुए गेड शुरु कीता। इस सरबंधें च कल बक्ख-बक्ख थाहें पर रूख-बूहटे लाने दे कार्यक्रमें सने, देशभक्ति आहिलयें रैलिं दा बी आयोजन कीता गेआ। औने आहले दिनें दरान बी इस सरबंधें च केई सारे कार्यक्रमें दे आयोजन दी योजना बनाई गेदी ऐ।

तोआई सैलसफा निदेशालय जम्मू आसेआ जिला प्रशासन दे सैहयोग कन्ने घराना वैटलैंड ते सुचेतगढ़ आहली थाहें पर वंदे मातरम् दे 150एं बरें आहले कार्यक्रमें दा सरिस्ता कीता गोआ। इंडा मकसद लोकें अंदर देशभक्ति दी भावना गी बल दिंदे होई खिते दी कुदरती खूबसूरती ते सांस्कृतिक विरासत गी बढ़ावा देना बी ऐ हा।

<><><><><><>

Snowfall

जम्मू-कश्मीर दिएं उच्चिएं धारें पर बर्फबारी दे मगरा प्रदेश च सैलानिं दी खरी मती गिनतरी च आमद दर्ज कीती जा'रदी ऐ। जम्मू संभाग ते कश्मीर घाटी दिएं केई सारी थाहें पर बड़ी बद्द गिनतरी च सैलानी आवा करदे न। बड़े चिरे परेंत होई दी इस बर्फबारी नै मकामी लोकें ते सैलानिं दे चेहरें पर खुशी लेई आंदी ऐ ते बर्फबारी मगरा हुन सेलसफा गतिविधिं च बाद्दा दर्ज कीता जा'रदा ऐ। इस बारै अपनी खुशी जाहर करदे होई किश सैलानिं आखेआ

<><><><><><>

Hkghwal closed

रामबन जिले दे बनिहाल च नचलाना ते नवयुग सुरंग बश्कार भारी बर्फबारी दे चलदे जम्मू-श्रीनगर राष्ट्री जरनैली शिड़क (एन.एच-44 अज्ज बंद रौहग। बर्फ हटाने दा कम्म इस्सलै जारी ऐ पर कुसै बी गड्डी गी नगरोटा थमां श्रीनगर जाने दी इजाजत नेई दिती जाहग। मौजूदा मौसमी हालात दे चलदे जम्मू-डोडा सिड़क बी बंद ऐ। अधिकारियें यात्रिं गी आग्रह कीता ऐ जे ओह अपनी यात्रा दी योजना बनाने शा पैहलें शिड़कें दी स्थिति दे बारे जरूरी जानकारी लेई लैन। इस बारै पेश ऐ स्हाड़े उधमपुर जिला दे संवाददाता दी एह रिपोर्ट

<><><><><><>